



Statens vegvesen

Magnar Askeland
Rosslandsvegen 293
5918 FREKHAUG

Behandlande eining:
Region vest

Sakshandsamar/innvalsnr:
Unn Jenny Utne Kvam - 55516243

Vår referanse:
2015/017270-003

Dykkar referanse:

Vår dato:
12.03.2015

Førehandstilsegn med krav til å bygge ny avkøyrsløype frå fv 564 - lasteplass for tømmer - gnr. 43 bnr. 8 i Meland kommune

Vi viser til søknad motteken 09.02.2015 og synfaring 19.02.2015.

Saka gjeld søknad om lasteplass for tømmer. Laste plassen er utforma som ei einvegskøyrde lomme med refuge ut mot køyrebana i fylkesvegen. Innkøyring er frå nord, utkøyring i retning sør.

Statens vegvesen legg til grunn at innkøyringa skal vere fysisk stengd når den ikkje vert nytta til tømmertransport. Utkøyringa ligg i tilknytning til ei eldre landbruksavkøyrsløype, og den vil halde fram med å vere open.

Vedtak

Med heimel i veglova §§ 40-43, har vi fatta følgjande vedtak:

Det kan påreknast avkøyrsløype for uttak av tømmer under føresetnad om at krava nedanfor vert oppfylte.

Veg/stad: fv 564, hp 8 ved km 2,435 / gnr. 43 bnr. 8 i Meland kommune..

Vi gjer merksam på at tilsegna berre gjeld i høve til veglova og ikkje rettar overfor eventuelle andre grunneigarar. Vi gjer særleg merksam på at tiltak kan vere søknadspliktige etter plan- og bygningslova. Det kan du avklare med kommunen. Det kan også vere behov for å avklare privatrettslege tilhøve.

Vi set følgjande krav:

1. Avkøyrsla skal vere bygd av tiltakshavar og godkjent av Statens vegvesen innan 3 - tre år frå d.d., elles fell tilsegna bort.

2. Avkøyrsla må opparbeidast i samsvar med vedlagte prinsippsskisser og forskrift om alminnelege reglar om bygging og vedlikehald av avkøyrslar frå offentleg veg, som ligg på lovdata.no¹.
3. Frisikt 1,1 meter over bakken 4 meter inn i avkøyrsla skal vere minimum 60 meter til begge sider av køyrebanen. Sikta fram- og bakover på vegen ved avkøyrsla må vere minimum 60 meter. Eventuelle planter o.l. i frisiktsona kan ikkje vere høgare enn 0,5 meter. For denne avkøyrsla må vegetasjon fjernast for å oppfylle siktkrava.
4. Radiar til inn- og utkøyring skal markerast tydeleg med grøft mot sideterrenget.
5. Stigningskrava må haldast (sjå skisse). Vi vil her spesielt gjere merksam på at avkøyrsla skal ha fall frå hovudvegen med 5 cm på dei første 2 metrane.
6. Under både inn- og utkøyringa må det leggjast dreneringsrøyr, minimum 300 mm i diameter, med eventuelt nødvendige kummar.
7. Bruken av avkøyrsla føreset at tømmerbil køyrer inn frå nord og ut i retning sør.
8. Det er ikkje tillate å parkere i frisiktsonene.
9. Avkøyrsla skal også kunne vere felles med eventuelle andre, som på ein naturleg måte kan nytte same avkøyrslar.
10. Den nordlege avkøyrsla (innkøyringa) skal vere fysisk stengd når den ikkje vert nytta til tømmertransport. Stengsla må plasserast slik at sidearealet langs fylkesvegen ikkje kan nyttast som parkeringslomme.
11. Tidsavgrensa opning skal avklarast gjennom arbeidsvarslingsplan (jamfør nedanfor). Ny opning vil krevje ny arbeidsvarsling.

Arbeidsvarsling

Før arbeid vert sett i gang på/ved offentleg veg, skal det utarbeidast ein arbeidsvarslingsplan. Denne planen skal godkjennast av Statens vegvesen. Han skal sendast til nordhordland.arbeidsvarsling@vegvesen.no. Vi ber om at du viser til vårt saksnummer i denne avkøyrslasaka ved innsending av arbeidsvarslingsplanen.


Vidare saksgang

Ta kontakt med sakshandsamar dersom det er spørsmål i samband med opparbeiding av avkøyrsla.

Når avkøyrsla er opparbeidd etter krava vert bruksløyve gjeve av Statens vegvesen ved at tiltakshavar tar kontakt med sakshandsamar.

Vedtaket kan påklagast, jamfør vedlagt "Melding om rett til å klage over forvaltningsvedtak".

Plan og forvaltning - Bergen
Med helsing



Odd Høydalsvik
sjefingeniør


Unn Jenny Utne Kvam

2 vedlegg
Kopi: Meland kommune (e-post)











¹ <https://lovdata.no/dokument/SF/forskrift/1964-07-16-3905>

Vedlegg 2015/07270-003



Figur E.25: Krav til vertikal linjeføring i avkjørsler (mål i m)

Teiknforklaring:

-  Fv 564
-  Grøft
-  Lasteplass for tømmer
-  Elendomsgr.
-  Dekkekant f v 564
-  Høgspennet stolper
-  Koter
-  Innkøyring stengast fysisk når ikkje i bruk
-  Køyreretning
-  Eksist. Jordbruksavkjørsle

Tegn: Marian D.Barsnes.
Saksb: Uhn Jenny UKvam
Målestokk: 1:500 i A4
Dato: 12.03.2015

Sender (stemplet til forvaltningsorganet)


Statens vegvesen
Region vest
**Melding om rett til å klage over
forvaltningsvedtak**

(Forvaltningslova § 27 tredje leddet)

Dato 13/3-15

③ Mottakar (namn og adresse)

 Magnus Asleland
 Kosslandsvegen 293
 5918 FREKHAUG

④ Klageinstans

HORDALAND FYLKESKOMMUNE

Denne meldinga gjev viktige opplysningar dersom De vil klage på eit vedtak De er gjord kjend med.

Klagerett	De har rett til å klage på vedtaket.
Kven kan De klage til?	Klaga sender De til oss, dvs. det organet som er ført opp i rubrikk . Dersom vi ikkje endrar vedtaket vårt som følgje av klaga, sender vi klaga over til klageinstansen, jf. rubrikk ④.
Klagefrist	Klagefristen er tre - 3 - veker frå den dagen dette brevet kom fram. Det er nok at klaga er postlagd før fristen går ut. Dersom De klagar så seint at det kan vere uklart for oss om De har klaga i rett tid, bør De oppgje datoen for når De fekk dette brevet. Dersom De klagar for seint, kan vi sjå bort frå klaga. De kan søkje om å få lengre klagefrist, og da må De nemne grunnen til at De ønskjer det.
Rett til å krevje grunngeving	Dersom De meiner at vi ikkje har grunngeve vedtaket, kan De krevje ei slik grunngeving før fristen går ut. Ny klagefrist blir då rekna frå den dagen De får grunngevinga.
Innhaldet i klaga	De må presisere <ul style="list-style-type: none"> - kva for eit vedtak De klagar på - årsaka til at De klagar - den eller dei endringar De ønskjer - eventuelt andre opplysningar som kan ha noko å seie for vurderinga av klaga Klaga må underskrivast.
Utsetjing av gjennomføringa av vedtaket	Jamvel om De har klagerett, kan vedtaket til vanleg setjas i verk med det same. Men de kan søkje om å få utsett gjennomføringa av vedtaket til klagefristen er ute eller til klaga er avgjort.
Rett til å sjå saksdokumenta og til å krevje rettleiing	Med visse unntak har De rett til å sjå dokumenta i saka. Reglane om dette finst i § 18 og § 19 i forvaltningslova. De må i tilfelle ta kontakt med oss, jf. rubrikk . De vil då få nærmare rettleiing om retten til å klage, om framgangsmåten og om reglane for saksgangen.
Kostnadene med klagesaka	De kan søkje om å få dekt utgifter til den advokathjelpa De treng, etter reglane om fritt rettsråd. Her gjeld det visse grenser for inntekt og eige. Fylkesmannen eller advokaten Dykkar kan gje nærmare opplysningar om dette. Dersom vedtaket er endra til Dykkar fordel, kan De etter forvaltningslova ha krav på å få dekt store kostnader som har vore naudsynte for å få endra vedtaket. Klageinstansen (jf. rubrikk ④) vil orientere Dykk om retten til å krevje slik dekning.
Klage til Sivilombodsmannen	Dersom De meiner at De har vore utsett for urett frå den offentlege forvaltninga, kan De klage til Stortingsombodet for forvaltninga (Sivilombodsmannen). Sivilombodsmannen kan ikkje sjølv endre vedtaket, men kan gje si vurdering av korleis den offentlege forvaltninga har handsama saka, og om dei har gjort feil eller forsømt noko. Dette gjeld likevel ikkje i saker som er avgjorde av Kongen i statsråd. Dersom De no får klaga Dykkar avgjort i statsråd fordi Kongen er klageinstans, kan De såleis ikkje seinare føre saka inn for Sivilombodsmannen.

Særlege opplysningar

